

Resp. dist. ant.; idque fecit ratio ex abuso ac temeritate et violatis legitimæ ratiocinationis legibus, *conc.*; *secus*, *neg.*

Instabis. Sed nonne passim in scholis ratio et ratiocinium in diversas opiniones de eadem re Philosophos scindunt? An ergo et illi abuti ratione dicendi sunt, legesque ratiocandi violare, quotiescumque varie opinantur?

Resp. dist. assertum. Id passim evenit in scholis in re evidenti, *neg.*; in obscura et incerta, *conc.*

Objic. 4.^o Mens nostra mutabilis est in iudiciis ac ratiocinis suis, ut contemptum omnibus experientia est. Atqui mutabilitas ejusmodi evidens argumentum est fallibilitatis.

Resp. dist. Major. Simili modo: in re certa atque evidenti, *neg.*; in obscuris, *trans.*

Instabis. Atqui etiam in evidenteribus decipi ratio facile potest. Nullum quippe est adeo evidens principium, ex quo conclusiones invicem pugnantes nequeant derivari. Ergo...

Resp. neg. Minor., ac probacionem ejus *distingu*o; servata legitima forma, *neg.*; non servata, *trans.*

Ex vero enim non sequitur nisi verum in bona consequentia (1).

Objic. 6.^o Ratio humana quandoque fallitur. Ergo vel cognoscit se falli vel non. Si cognoscit, nunquam falletur, nam errorem suum agnoscit. Si vero non cognoscit, timendum semper illi erit, ne forte ignorans decipiatur.

Resp. dist. conseq. In dubiis atque inadvertentibus, *trans.*; in certis atque evidenteribus, *neg.*

Consequens opposite argumentationis, nisi sub hac distinctione benignè velimus interpretari revera, latius patet quam antecedens. In antecedente enim assumitur, quod ratio *interdum* fallitur, et in consequenti concluditur, quod *semper* timenda falsitas sit. Nimurum ratio in evidenteribus et est infallibilis, et cognoscit, vel cognoscere potest se non falli. Dilemma ergo Lamennaisianum stare nequit nisi in materia inadvertenti, in qua mens secura non est de veritate, ideoque nonnisi cum formidine falsitatis dicit conclusionem. Quamquam enim cognoscere possit nullum esse in discursu vitium dialecticum, ideoque periculum erroris nullum immittit ex

(1) Vide in *Logic. Minor.* reg. 1.^{am} bonæ consequentie, n. 144.

parte formæ, at vero incertitudo præmissarum sola sufficit, ut conclusio, utcumque recte derivata, infici falsitatem possit. Quod si quis, absque ullo examine sive materiæ sive formæ, discurrens in errorem labatur, id, non rationi ipsi, sed ratiocinantis oscitantis attribuendum est. Ceterum, quandocumque mens ob hujusmodi oscitantiam errorem aliquem admittit etiam in re evidenti, non potest non advertere salem confuse periodum se errandi exponi ob defectum satis accurati examinis.

Inst. Atqui neque in evidenteribus securi omnino esse possumus. Nam multi ex illis, qui errant, arbitrantur et rem esse evidenterem, et rectam argumentandi formam.

Deinde veritas ac rectitudo ratiocinii alicuius cognoscitur alio ratiocinio, et sic abeundum erit in infinitum.

Resp. neg. assertum. Ad primam probat, *dist.*, arbitrantur ita, vel quia non satis reflectunt, vel quia se sinunt affectibus abripi ac partium studio, *conc.*, alter, *neg.*

Ad secundum, *neg.* prorsus; nam veritas ac rectitudo ratiocinii cuiusvis patescit ex attentione ac reflexione, quæ non in discursu sita est, sed in simplici intuitione.

Objic. 7.^o Ratiocinando memoria utimur. Atqui memoria valde est fallax. Ergo...

Resp. dist. Major., saepè, *conc.*, semper, *neg.*

Minorem pariter *dist.*; et non possunt praecaveri errores, quibus occasioem præbet quandoque, *neg.*, et possunt praecaveri, *conc.*

Quot enim sunt ratiocinia, in quibus aut memoria locum non habet, aut adeo est clara, ut dubitari de ejus fidilitate nequeat? Quod si aliquando memoria præteritarum rerum levior est, aut etiam pœnè obliterata, non desunt apta remedia, quibus succurri huic defectui possit, vel alios interrogando, vel legendo libros, vel iterum rem oblivione deletam addiscendo etc.

Objic. 8.^o Si non foret fallax ratio, quomodo tot ac tanti errores scientias deturparent? Nam scientie per actum ratiocinis comparantur.

Resp. dist. ant. Si non foret per se fallax, *neg.*, si non foret fallax per accidens, *conc.*

Et responsio patet ex dictis, magisque patebit, cum ignorantia atque errorum causas distinctius enumerabimus.

CAPUT II.

DE MEDIO EXTERNO

VERITATEM ASSEQUENDI SEU DE TESTIMONIO ALIORUM.

ARTICULUS I.

Quid testimonium, auctoritas et fides.

119. Non possumus omnia per nos ipsos immediate cognoscere, sed in multis ad aliorum testimonium confugere necesse est, nisi velimus rerum penitus cognitione destitui. Quare, facultatibus cognoscendi, hactenus declaratis, medium hoc externum nunc adjungendum est.

Testis generatim dicitur is, qui rem sibi notam alteri refert. Et potest esse *oculus vel auritus, immediatus, vel mediatus*, prout rem narrat a seipso perceptam, vel ab aliis sibi relatam. Potest item testis esse *cœesus*, si eodem tempore vixerit, quo factum contigit; *suppar*, si non multo post; et *remotus*, si serius.

Actus, quo testis rem alteri significat, vocatur *testificatio vel testimonium et hujus species.* *Testificatio vel testimonium et hujus species.*

Huc etiam revoca *famam vel rumor*, qui est testimonium plurium sermone percrebescens, incerto teste immēdiato, a quo sumpserit exordium.

Cum vero testimonium non inter æquales tantummodo divulgetur, sed ad posteros etiam transmitti possit ac porro transmittatur, pro varietate instrumenti, cuius beneficio ea fiat transmissio, dividitur in *oralem traditionem, documenta et monumenta*. Oralis traditio est narratio per continuum testimoniū successionem, memoriam facti posteris ore transmittens. Documentum est facti testimonium scripto consignatum. Ad

Traditio, documenta, monumenta,

documenta spectat *historia*, quæ est facti narratio scriptis commendata. Denique monumentum est opus quodvis artis durabile ad facti memoriam retinendam: talia sunt v. g. *statuae, inscriptiones, picture, arcus, numismata, templia*, atque alia id genus.

120. Testimoniō respondet in audiēte *fides*; fides vero, relictis aliis acceptiōibus (1), in hac materia intelligitur assensus, quo tenemus vera esse, quæ narrantur, ob testan- tis auctoritatē: et hujusmodi assensus vocatur etiam actus *credendi*.

Auctoritas autem, licet generatim est jus imponendi ali- quid, hic tamen sonat vim testimoniū ad obtinendum ab audiētibus assensum, ex eaque testis redditū *fide dignus*. Cæterum patet auctoritatē hujusmodi plerumque ex duobus coalescere, ex veracitate nimirum et scientia testis. Nam, *quod aliqui non credunt, ex duobus contingit, aut quia est, vel reputatur ignarus, aut quia est, vel reputatur mendax* (2). Po- test nihilominus in aliquo casu fidēs digni etiam ex fidilitate vel potentia rem aliquam promittentis, unde sequatur in mente magis aut minus firma persuasio et in voluntate spes obtinendi promissam rem.

Ex his manifestum fit, quantum distet inter cognitionem fidei, et inter cognitionem sive experimentalem sive scienti- cam. Nam in iis, quæ vidimus, aut videmus, inquit S. Augu- stinus, nos ipsi testes sumus; in iis autem, quæ credimus, aliis testibus movemur ad fidem, cum earum rerum, quas nec vidisse nos recolimus, nec videmus, dantur signa vel in vocibus vel in litteris vel in quibuscumque documentis, quibus visis, non visa credantur (3). Quam doctrinam præclare, ut solet, interpreta- tur Doctor Angelicus (4).

(1) Solet enim fides quandoque sumi pro fiducia, quæ actus est voluntatis. Alias, potissimum apud arabis scriptores, nomen *fidei* extendit ad omnem actum iudicij, ut testis est S. Thomas, de *Verit.*, q. 14. art. 1 etc. Notæ denique sunt latine linguae peritis aliæ plures *fidei* acceptiōes

(2) S. Thom., Comment. in Opuscl., de *Divinis Nominib.*, cap. 1, lect. 1.

(3) S. August., Epit. 147, ad 112, cap. 2, *Lege* etiam, quæ ibidem prececedunt.

(4) *De Verit.*, q. 14. art. 9 superius relato, pag. 511.

historia.

Fides.

Auctoritas

coalescit
ex veracitate ac
scientia
testantis.

Nimirum nemo est, qui nesciat, quantum distent intersese videre Romanum, et ejus descriptionem audire, vel legere; dolorem amputati membra sentire, atque illum ex alterius narratione cognoscere; assentiri conclusioni vel doctrinæ alicui, quia ita sentiendum esse præcipit magister vel vir doctus, et eamdem amplecti ex propria persuasione, post rite perceptas ac penetratas rationes, quibus veritas illius fulcitur.

Duplex
habitudo
distingenda in
fide,

Ut vero jam proprius naturam fidei attingamus, unum ante omnia notatum velim: in fide duplum distinguendam esse habitudinem, alteram ad rem seu objectum, *quod creditur*, alteram ad testem vel testimonium ipsius personæ, *cui vel propter quod res creditur*; primum horum habet rationem objecti materialis, alterum formalis. Nam cum credimus, ita enuntiabile aliquod amplectimur, ut simul aliquo modo, implicite saltem ac virtualiter, profiteamur auctoritatem illius, *cui credimus* vel cuius dictis adhaeramus, scientiam, ejus ac veracitatem eo ipso agnoscentes ac protestantes (1). Quare omnis qui credit, obsequium facto ipso exhibet atque honorem testanti, nec est quispiam, qui non arbitretur injuriā sibi irrogari, si fides testimonio suo denegetur.

Actum fidei
precedit
judicium credi-
bilitatis,

Quamobrem ante, ac preter actum ipsum formalem fidei, admittendum est alius actus, quo cognoscamus rem narrari vel narratam esse ab aliquo teste, hujusque testimonium auctoritate potiri, seu dignum esse fidei; nimirum, ante formalem actum fidei prænoscere oportet existentiam et auctoritatem testimonii, hoc enim est objectum formale seu motivum

(1) Ad rem Angelicus: *Objectum fidei* (loquitur de fide Divina) accipi potest ex parte ipsius intellectus, vel ex parte voluntatis intellectum moventis. Si quidem ex parte intellectus, sic in objecto fidei duo possunt considerari, sicut supra dictum est (2. 2. q. 1. a. 1): *quorum unum est materiale objectum fidei*; et sic ponitur actus fidei credere Deum, quia, sicut supra dictum est (*ibidem*), nihil proponitur nobis ad credendum, nisi secundum quod ad Deum pertinet. Aliud autem est formalis ratio objecti, quod est *sicut medium*, propter quod tali credibili assentitur; et sic ponitur actus fidei credere Deo, quia, sicut supra dictum est (*ibid.*) *formale objectum fidei est veritas prima, cui inharet homo, ut propter eam credibili assentiat*. S. Thom. 2. 2. q. 2. a. 2. Cfr. 3., dist. 23, q. 2. a. 2, solut. 2; de Verit., q. 14. a. 7. ad 7.^{um}

fidei. Et assensus prævius, quo decernitur rem narrari testimonio ita fide digno, vocatur *judicium credibilitatis*.

Existentia testimonii potest cognosci vel propria experientia, ut passim contingit in humana fide, vel etiam ex aliorum relatione, ut accidit interdum in eadem fide humana, et semper in divina fide, prout nunc a nobis habetur; neque enim nos ipsi immediate audiimus divinam relationem christiana dogmata hominibus aperientem, sed eam tantummodo novimus ex aliorum testimonio, quod in Sacris Litteris ac traditione Ecclesiae continetur et a Sacris Ministris populo proponitur. Atque idem quoque de veraciitate loquentis dicendum est. Nam interdum ea evidens est, atque a nobis ipsis propria scientia cognoscitur, ut veracitas Dei in fide supernaturali, et quandoque in humana fide constat nobis ex propria notitia veracitas testimoniū. Alias autem hac eadem veracitas ac scientia testimoniū nobis non inmediata innoscit, sed ex aliorum relatione cognoscenda est.

Item, interdum tum testimonii existentia, tum auctoritas certo atque evidenter cognoscuntur, interdum vero solum probabiliter ac per conjecturam: interdum testimonium est evidens, obscura vero aut etiam incerta auctoritas; interdum et contrario de auctoritate quidem minime dubitatur, verum ipsa testimonii existentia manifesta non est. Quae omnia consideranda bene sunt, ut de valore ac firmitate fidei justum feratur judicium; pendet namque fides ab auctoritate testimonii tamquam ab objecto suo formalī (1).

Hinc, quamvis ipsum enuntiabile, quod formalī actu fidei credimus, in se ipso sit inevidens, præcise prout est objectum fidei, reddi nihilominus potest evidens extrinsece; nimirum si evidens sit tum testimonium tum firma et indubitata illius auctoritas, et tunc dicunt fides *evidens in attestante*: quemadmodum evidens mihi est fides, quia teneo existentiam Berolini, quia evidens mihi est ita plurimos testari, nec posse illorum testimonio falsum subesse. Quod, si vel testimonium vel ejus veracitas vel utrumque incertum sit aut inevidens, fides quoque tum intrinsece et in se, tum etiam

Quomodo
cognosci possit
existentia,

et veracitas te-
stimoniū.

(1) Cfr. Conimbricenses, in lib. 1.^{um} *Poster.*, cap. 26, quæst 1, art. 2.

Fides humana
plerumque
probabilis;
Fides divina
semper certissima.

Fides
non confinet
formalem
discursum

Utilitas ac
necessitas fidei.

extrinsece et in attestante inevidens sit, necesse est. Unde fit, ut plerumque humana fides fallibilis sit, at tantum contineat assensum probabilem atque incertum, quia nimur quandoque ipsum testimonium, et saepissime auctoritas ejus, incerta est atque inevidens: fides vero divina est semper certissima, licet inevidens, quia supponit cognitionem obscuram quidem, sed tamen prorsus certam revelationis ac testimonii divini, itemque cognitionem, saltem in plurimis hominibus, evidentem auctoritatem.

Sedulo tamen cave ne ex iis, qua hactenus dicta sunt, concludas assensum fidei discursum formalem aut ratiocinum continere, est enim assensus immediate positus propter testimonium auctoritatem.

121. Ex his facile est concludere testimonii tum utilitatem tum necessitatem. Non est nobis in animo nunc investigare num ad ipsam mentis evolutionem necessarium sit aliorum testimonium ac magisterium, per quod prima quasi semina vita omnis intellectualis humano intellectui mandentur; talis enim controversia respicit originem ideoearum, et alibi tractanda est, cum de Traditionalismo institueretur sermo.

Nunc ergo id solum inquirimus, quisnam sit aliorum testimonio tribuendus locus inter facultates ac mediis hominis ad assequendam veritatem, sive possint, sive non possint absque illo cognitiones ordinis immaterialis ac moralis inchoari. Verum de divini testimonii utilitate, quo de ipsis naturalibus veritatibus ad religionem et ordinem moralem spectantibus edoceamus, inferius agendum est (1). Ideoque solius humani testimonii utilitatem hic breviter tractabimus.

122. PROPOSITIO. Testimonium aliorum, tum dogmaticum tum historicum, est medium ad plures cognitiones habendas prorsus necessarium.

necessitas testi-
Nonum historici.

Res patet experientia et ratione. Etenim res scitu dignae, sive qua facta respiciunt sive qua doctrinam, sunt propemodum infinitae, plenae difficultibus, spatiisque contentae locorum ac temporum amplissimis; cum e converso plerique

(1) N. 281. Vide interea S. Thomam 2, q. 2, art. 4; 1^o *Contra Gentiles*, cap. 4; 3^o dist. 24, art. 3, solut. vel questione 1^o; *de Verit.*, q. 14, art. 10; Opusc. *Super Boëtium de Trinit.*, quest. 2, art. 1.

mortalium ingenio utantur admodum limitato prorsus impari, ut vel partem exiguum humanarum artium atque scientiarum addiscant; omnes vero vitam ducant brevi annorum terrarumque ambitu circumscriptam. Hinc nemo potest, quod attinet facta, sine aliorum testimonio cognoscere: 1.^o *facta præteritarum atatum*; 2.^o *facta etiam cœava, qua aliis in locis contigere*; 3.^o *experiencias et observationes phenomenonum ad complendam inductionem in scientiis physicis necessarias*. Cum enim colligi nequeant leges naturales ac principia universalia sine sufficienti factorum singularium inductione, nec possit quivis in omni materia sufficientem capere experientiam ad hujusmodi complendam inductionem; reliquum est, ut etiam in scientiarum naturalium inquisitione ac studio ad aliorum testimonium confugere se penumero oporteat. Verbo, scientie omnes naturales experimenta factaque multa supponunt, qua patre omnium observationi nequeunt; unde scientie hujusmodi nec progredi, nec in perfectionem adduci queunt sine fide testimonio aliorum adhibita. Lege S. Augustinum (1).

Et hac quidem valent de testimonio historico.

Quod vero attinet dogmaticum testimonium, quis est, qui omnes artes ac scientias addiscere possit, et callere? Alius enim præpeditur ingenii tarditate, alius magnitudine laboris deterretur, alius morbo, ætate, paupertate, administratione rei familiaris, magistratu, officiis publicis aliisve, sive ad religionem sive ad bonum civitatis prorsus necessariis, curis distinetur, atque ab studiis scientiarum arctetur. Cum præsertim ad ipsum bonum societatis ac litterarum progressum pertineat, ut plures homines nullis omnino scientiis aut artibus, quidam vero uni tantum aut alteri per totam vitam navent operam. Et sic passim videntur non solum rudes sapientium, sed ipsos etiam doctos homines, alios aliorum consilium exquirere ac sequi, et mathematicum theologi, theologum medici, medicum legis-periti, legis-peritum architecti et physici sententiis præceptisque acquiescere. Et hoc pacto in subsidium humanae infirmitatis adest nobis testimonium aliorum. Nam *quia in convictu hominum unus homo*

necessitas
testimoniorum do-
gmatici.

(1) *Lib. de Utilitate credenti*, ad Honoratum, cap. 12.

oportet, quod alio utatur, sicut seipso, in quibus sibi non sufficit; ideo oportet quod stet illis, quæ alius scit et sunt sibi ignota, sicut his, quæ ipse cognoscit: et inde est, quod in hominum conversatione est fides necessaria, qua unus homo dictis alterius credit; et hoc est justitia fundamentum, ut Tullius dicit in lib. de Officiis: et inde est quod nullum mendacium est sine peccato, cum per omnia mendacium huic fideli tam necessaria derogetur (1).

Addit quod ipsæ, quas quis colere vult, scientiae vix addisci commode possunt ac sine admixtione errorum, nisi multa discipulus a magistro per fidem accipiat, quae supponat tamquam vera alibique probanda, et sic ipsius ordo natura ita se habet, ut cum aliquid discimus, rationem praecedat auctoritas (2).

Concludendum igitur est cum Liberatore (3): «Nisi testantibus fideremus, nec vias incedere, nec amicorum consoritum uti, nec parentibus honorem impendere, immo vero ne sermonem quidem cum aliis conferre possemus; atque ideo omnis civilis cultus, omne fædus, omnis vita consuetudo adimeretur. Quamobrem sapienter S. Augustinus admonuit, *Totam hominum vitam naturaliter in fide fundari* (4): *et subinde; Elsi auctoritate decipi miserum sit, longe tamen esse miserius ab eadem non commoveri*» (5).

Atque haec causa est, cum natura ipsa, ex sapientissimo divine Providentiae consilio, omnibus hominibus magnam impresserit ad credendum inclinationem, majoremque in ea ætate et conditione, in qua quis minus aptus inventur ad veritatem per se inveniendam, ut videre est in pueris ac rubibus.

ARTICULUS II.

De valore humani testimoniorum.

123. Vidimus necessitatem testimoniorum ad plurimas cognoscendas veritates, quarum haberi a nobis aliter notitia nequirit. Inquirendum nunc est, quantum valere apud nos debeat

(1) S. Thom. Opusc. de Trinit. super Boët. quæst. 3, art. 1.

(2) S. August., de Moribus Ecclesiæ cathol., cap. 2.

(3) Institut. Philos., t. 1. Logic., cap. 3, art. 5, n. 93, pag. 157. Prati 1881.

(4) De utilit. credendi, cap. 12.

(5) Ibidem cap. 16.

medium hoc externum cognoscendi, quemadmodum expendimus in superiori capitè veritatem facultatum cognoscitorum.

Verum disputandum nobis non est de divini testimoniorum auctoritate, quam constat esse prorsus infallibilem, atque idem etiam dicendum est de testimonio Ecclesie, utpote quæ Magistra humani generis constituta a Deo est in rebus ad fidem moresque spectantibus, in quibus proinde nequit errare. At homines et decipi, et alios possunt decipere; et si experientiam consulamus, reperiemus profecto sæpe nos aliorum testimonio inductos in errorem fuisse; at sæpe etiam ea, quæ per fidem prius ab aliis acceperamus, verissima esse propriis oculis perspeximus. Quid ergo? Estne prudens, et quandam prudens est, testimonio acquiescere? Aut quanta esse potest vis testimoniorum ad gignendum assensum? Quod prudens sit, saltem sæpe, testimonio acquiescere, ipsa fidei necessitas, quam in articulo præcedenti explanavimus, satis superque ostendit. Tunc porro dumtaxat prudens erit credere, quando inest testimonio auctoritas, tota enim fides ab auctoritate pendet. Quandoam autem instructum sit auctoritate testimoniorum, judicandum est ex quibusdam indiciis, quæ, ubi adsunt, persuadent non deesse testibus scientiam nec veritatem, ex quibus coalescit auctoritas.

124. Horum indiciorum judicium stat penes artem criticam. Est enim ars critica generatim ars expendendi vim motivorum, quæ ad judicandum impellunt; prout vero hic accipitur in angustiori significatione, est *ars*, quæ normas tradit recte judicandi de pondere usque testimoniorum. Verum ad recte judicandum necesse est ante omnia rem ipsam, quæ narratur, respicere. Et primum præceptum ac fundamentum artis critice debet hoc esse, ut

Res narrata non sit evidenter absurdia, nec pugnet cum aliis veritatis certo aut evidenter notis. Dixi non sit evidenter absurdia vel impossibilis. Non enim requiritur, ut res narrata sit evidenter possibilis. Si autem evidenter absurdum sit aliquid, patet illud factum non esse, siquidem a non posse ad non esse valet illatio. At vero plurima sunt, quorum possibilitatem non possumus cognoscere ante factum et existentiam eorum. Aliunde vero ab esse ad posse valet illatio: quamobrem

Sermo est de
valore humani
testimonii

Ars critica.

Primum
præceptum artis
criticae.

Quid si
narretur res
metaphysicae,

vel physice,

vel moraliter
impossibilitas.

Regula ad
judicandum de
scientia testium.

non est necesse ut constet evidenter possibilis facti, sed sufficit, ut non sit evidenter impossible, ad hoc ut existentia ipsius admitti queat, supposita testimonii auctoritate. Quia in re ne quis decipiatur, recolendum animo est, triplicem esse certitudinem atque impossibilitatem, metaphysicam, physicam et moralem. Et quoniam certitudo metaphysica proorsus est infallibilis, itemque impossibilitas metaphysica per nullam potentiam superatur; planum est, quidquid narretur, aut impossible metaphysice aut oppositum veritati metaphysice certae, eo ipso falsitatis evidenter coargui, atque adeo repudiandum illico esse.

Res vero physice impossibilis et cursui naturali contrarie non ob id solummodo rejicienda sunt; constat enim leges naturae pati exceptionem posse per miraculum omnipotentiae divinae. Sed quoniam raro miracula patruntur, et facilius est, testes aut decipi aut mentiri, ubincumque testimonium hujusmodi occurrat, exploratis naturae legibus contrarium, dispicere diligenter oportet, solerterque considerare, num omne absit illusionis fraudis periculum.

Ac simili modo judicandum est de illarum rerum narratione, que moralibus legibus reclutantur. Quod enim in uno aut altero homine interdum per abnormem libertatis abusum leges hujusmodi violationem passae fuerint, admitti potest idoneo testimonio; quod vero idem locum habuerit in multitudine aliqua, credibile non est.

His autem de re ipsa narrata notatis, videndum jam est
125. **Quomodo judicari possit de scientia testium, seu de cognitione, quam habeant, rei narrate?**

1.^o Supposita naturali facultatum cognoscitivarum veritate, potuerunt certe noscere testes ea, que narrant. Si ergo nulla occurrat positiva suspicio vel de impedimento aliquo, unde falli quandoque contingit per accidens sensus, vel de oscitantia negligientiaque testium in veritate inquirenda, praesumptio semper adest in favorem illorum.

2.^o Crescit praesumptio, si res, quae narratur, talis sit conditionis, ut vix possit cadere circa illam deceptio in sensu ad ceteras facultates cognoscitivas, quemadmodum foret v. g. factum insignis alicujus praelli, cui testis interfuerit, vel urbis, quam viderit etc.: vel si res ex illis est, quae acuere

soleant curiositatem ac sciendi desiderium, quamve inquirere testem intersit: vel denique si aliunde cognoscatur, testem esse ingeniosum, sagacem, diligentem studiosumque. In iis enim adjunctis valere debet illa Tullii sententia: *Omnes trahimur et ducimus ad cognitionis et scientiae cupiditatem, in qua excellere pulchrum putamus: labi autem, errare, nescire, decipi, et malum et turpe ducimus* (1).

3.^o Colligi potest prudenter scientia testis, potissimum in testimonio dogmatico, ex pluribus signis extrinsecis, qualia sunt: α) tituli academici ac diplomata, nisi forte adjuncta temporum, locorum aut personarum dubiam reddiderint illorum instrumentorum fidem; β) officia publica docendia aut alia, quae doctrinam requirant, presertim si quis ea obeat vel obierit cum satisfactione; γ) libri scripti de re illa, circa quam versatur testimonium; δ) publica testis existimatio et fama doctrinæ, que apud doctos homines prudentes percrebescat.

4.^o Denique, ut alia num omittam, sæpe ipsa veritas testis, si satis innotescat, ejusdem quoque scientiam haud leviter confirmat. Testem enim apprime veracem existimandum non est, rem alicujus momenti, quam satis perspectam non haberit, constanter asseverare voluisse.

In his aliquis adjunctis similibus procul dubio prudenter presumitur: scientia testium. Videamus nunc

126. **Quomodo judicari possit de illorum veritate.**

1.^o Quoniam hæc una est ex illis generalibus legibus, quibus mores hominum reguntur ac temperantur, quemadmodum experientia cujusque demonstrat, ut nemo nisi boni alicujus amore ad operandum impellatur; sinceritas ac veritas narrationis prudenter judicatur, quotiescumque nulla appareat utilitas, quam sperare sibi potuerit testis ex mendacio: *nemo enim, ut dicitur, gratis malus, vel mendax.*

Regula
ad judicandum
de testium
veritate.

2.^o Augetur veritatis opinio: α) si alias sæpe testis reportus fuerit fidelis; β) si noscatur vir probus et honestus; γ) aut talis habeatur ex publica fama; δ) si dignitate pollet vel magistratus; solet enim ipse timor perdendi existimationem homines hujusmodi, nisi penitus pudorem abjecerint, a quibusdam vitiis ac nominatim a mendacio detergere.

(1) *De Officiis*, lib. 1, cap. 6.

3.^o Item, si testis loquatur contra se suasve opiniones aut contra suas utilitates, haud leviter suam commendat veracitatem.

4.^o Si plures in narratione convenient, saltem quoad substantiam facti vel doctrinæ, non veracitatis solum, sed scientie quoque majus existit argumentum, facilius quippe est unum decipere aut decipi, quam plures. Dixi, *salem si convenient quoad substantiam* facti vel doctrinæ. Quamquam enim discordia in narrando, que se teneat ex parte adjunctorum secundiorum, officere nequeat testimoniū veracitati; si vero discordia illa substantiam ipsam afficiat, narratio minorem habet auctoritatem, ut patet, quam si unus duntaxat adesset testis (1). Quod si testes ne quoad substantiam quidem facti consentiant, videndum erit, pro quibus stent majora indicia et argumenta majoris probabilitatis: id quod non raro judicare licebit ex adjunctis.

5.^o Modus etiam narrandi argumentum veracitatis esse solet haud ineptus; si nimur res simplici stile narretur, siue fuso nimisque exquisito artificio; vel si notentur adjuncta varia temporum, locorum ac personarum, que tum testem probant fuisse diligenter inquisitorum, tum etiam facultas arcent mendacii suspicionem; neque enim existimandum est mendacem ultro porrigeare velle media, quibus mendacium ac fraudis ipsius statim detegatur (2). Hisce præhabitum, sit:

127. PROPOSITIO 1.^a Testimonium aliorum in re doctrinali vel dogmatica saepè potest motivum suppeditare prudenter assensu pro rudibus, normamque sentiendi probabilem; pro doctis autem et iis, qui scientiam quærunt, internæ rationes rei atque objectiva argumenta valere plus debent, quam nomen et auctoritas narrantis.

Quinam
rudes, quinam
docti censemantur.

Nota 1.^o Probe intelligendum est in primis quinam *rudium* et quinam *doctorum* vel *sapientium* veniant nomine in hac propositione. Rudes enim non intelliguntur solummodo penitus *illitterati* omnisque scientia destituti: sed generatim

(1) Cfr. S. Thom., 2. 2. q. 70, a. 2 ad 2.^m

(2) Cfr. Tongiorgi, *Instit. Philos.*, tom. 1, n. 641; Liberatore, *Inst. Philos.* t. 1, *Logic.* n. 194, pag. 240 Prati, 1881.

illi, qui artem aut scientiam aliquam non calleant, rudes in illa censemantur; sive alias noverint, sive nullas. Itemque *sapientes* ac *docti* intelliguntur relative, nimur illi, qui artem vel scientiam, circa quam versatur testimonium, cognoscunt, licet aliarum forte quarumcumque sint ignari.

2.^o Dicitur in prima propositionis parte, testimonium aliorum saepè motivum præbere prudentis assensu. Non enim contendimus cuiusvis testimonio, sententiam vel doctrinam aliquam proponentis, credi prudenter posse, sed illorum dumtaxat, qui auctoritatem habeant ad faciendam fidem. Auctoritas vero nulla est, quando idonea desunt scientiæ ac veracitatis indicia in favore testantur.

Probatur jam prima pars. Etenim saepè præsto sunt indicia, unde testium scientia et veracitas prudenter probabilique conjectura colligitur, quemadmodum nuper declaratum est; testimonium vero prolatum ab hujusmodi testibus profecto motivum constituit probabiliter persuadens rei narrate veritatem. Atqui motivum probabiliter persuadens enuntiabilis cuiusvis veritatem nequit non prudentem gignere assensum, ac normam sentiendi probabilem suppeditare. Ergo...

Confirmatur ex communi omnium sensu agendique ratione: unde illud manavit effatum: *Peritis in arte credendum est. Cæterum.*

Humanum testimonium doctrinale nequit, plerunque saltem, gignere certitudinem: quia difficile admodum est scientiam ac veritatem testium certo innoscere, etiam si omnes convenient in aliqua re asserenda: atque ideo in thesistantummodo asseritur testimonium normam præbere sentiendi probabilem (1). Nihilominus non repugnat in aliquo casu ex peculiaribus adjunctis firmam fidem facere testimonium etiam doctrinale. Sic si quis perspectam habuerit indolem scientiarum Mathematicarum methodumque in illis adhiberi solitam, haud ægre adducetur ad amplectendum certissimo assensu theorema, quod a pluribus auctoribus enuntiatum viderit, ob solum eorumdem testimonium.

(1) Nolumus hanc doctrinam extendere ad consensum Patrum aut Theologorum in re divinam fidem vel mores spectante. Supponimus enim ex Theologia consensum hujusmodi esse certum veritatis argumentum.

Testimonium
doctrinale pro
rudibus
saepè est norma
prudens.

Peritis in arte
credendum est.

Testimonium
humatum
doctrinale
raro præbet
certitudinem.

Pro
doctis testimoniis
autoris
cedere
debet ratione:

128. Probatur 2.^a pars. Etenim intrinseca argumenta et objectiva rei merita, ceteris paribus, multo melius, quam alienum testimonium, patefaciunt enuntiabilis veritatem, cum praesertim ipsa testium scientia, unde auctoritatem suam et vim extorquendi assensum nanciscitur testimonium, non aliunde trahat originem. Itaque rationi consonum est, ut quicunque intrinseca rei argumenta noverint, ea testimonio aliorum anteponant. Jam vero docti ac sapientes rem, de qua testes narrant, ex intrinsecis rationibus propriisque cause meritis perspectant habent. Ergo necesse est, ut apud doctos et sapientes objectiva argumenta plus valere debeant, quam nomen et auctoritas testantium.

Ad rem S. Augustinus: *Ad discendum necessario duplicter ducimur, auctoritate atque ratione. Tempore auctoritas, re autem ratio prior est. Aliud est enim, quod in agendo anteponitur, aliud quo pluris in appetendo astimatur.* Itaque quamquam bonorum auctoritas imperita multitudine videatur esse salubrior, ratio vero aptior eruditus (1).

Atque idem fere dicendum est de iis, qui licet eruditii non sint, tamen scientiam assequi conantur. Scientia enim importat cognitionem demonstratione comparatam, ac proinde habet motivum formale diversum a fide. Quamobrem qui scire cupit, non tam quid alii de re aliqua judicent, inquirere debet, quam quemadmodum sint objectiva rationes ac fundamenta, quidque sibi post illorum accuratum examen sentendum sit, investigat. Videlet qui scientiam querat, similis est illi, qui urbem aliquam vel regionem pulcherrimam lustrans, nullis aliorum descriptionibus ac narrationibus contentus, omnia vult ipse contemplari, omnia suis oculis percire, omnium rationem, perfectionem atque excellentiam intelligere.

Atque hæc existimatur fuisse Philosophi sententia, cum scripsit: *Philosophos ita veritati oportere addictos esse, ut propter illius incohavitatem, etiam propria, et domestica, aboleri patiamur; nam cum utraque cara sint, sanctum tamen est, pluris facere veritatem (2).*

idque
senserunt optimi
quique
Philosophi ac
Theologi.

(1) S. Augustinus de *Ordine*, lib. 2., cap. 9.

(2) Lib. 1.^{us} Ethicor. cap. 6.—Vide etiam Platonem in Carmide.

Quæ verba sic commentatur Angelicus: *Ponit Aristoteles, quid possit eum retrahere ab inquisitione talis opinionis (ponentium felicitatem in aliquo bono separato); et dicit quod bujus inquisitio est contraria sue voluntati, propter hoc quod erat introducta a suis amicis, scilicet a Platonis. Nam ipse fuit Platonis discipulus. Improbando autem ejus opinionem, videbatur ejus honesti derrogare... Deinde... ostendit (Aristoteles) quod hoc eum non debet retrahere. Quia videbitur melius esse, id est, magis honestum et ad bonos mores pertinens, et omnino oportere, ut homo non vereatur oppugnare familiares suos pro salute veritatis. Est enim hoc ad necessarium ad bonos mores, ut sine boc virtus conservari non possit. Nisi enim homo veritatem familiaribus preferret, consequens esset, quod homo falsa iudicia et falsa testimonia proferret pro defensione amicorum; quod est contra virtutem. Et quamvis universaliter ratione pertinente ad omnes homines veritas sit præferenda amicis, speciæliter hanc hoc oportet facere Philosophis, qui sunt professores sapientiæ, quæ est cognitio veritatis.*

Quod autem oporteat veritatem præferre amicis, ostendit bac ratione. Quia ei, qui est magis amicus, est deferendum. Cum autem habeamus amicitiam ad ambo, scilicet ad veritatem et ad bonitatem, magis debemus amare veritatem, quam bonitatem, quia hominem, præcipue debemus amare propter veritatem et virtutem, ut in 8.^o (libro) bujus (operis de Ethicis) dicitur. Veritas autem est amicus bujusmodi superexcellens, cui debetur reverentia honoris. Eliam veritas est quoddam divinum; in Deo enim primo et principaliter inventur. El ideo concludit, quod sanctum est præbonorare veritatem hominibus amicis. Dicit enim Andronicus peripateticus, quod sanctus est, quæ facil fides et servantes ea, que ad Deum. Juxta hoc etiam est sententia Platonis, qui reprobans opinionem Magistri sui dicit, quod oportet magis de veritate curare, quam de aliquo alio. Et alibi dicit: Amicus quidem Socrates, sed magis amica veritas. Et in alio loco: De Socrate quidem parum est curandum, de veritate multum (1).

Quibus similia docuit S. Augustinus: Ego enim, inquit, fateor charitati tue, solis eis Scripturarum libris, qui jam canonici appellantur, didici bunc timorem bonoremque deferre, ut

(1) S. Thom., 1.^o Ethicor., lect. 6., paragr. b, c.

nullum eorum auctorum scribendo aliquid errasse firmissime credam. Ac si aliquid in eis offendero litteris, quod videatur contrarium veritati; nihil aliud quam vel mendosum esse codicem, vel interpretari non assecutum esse, quod dictum est, vel me minime intellexisse, non ambigam. Alios autem ita lego, ut quantalibet sanctitate doctrinaque preponabilis, non ideo verum putem, quia ipsi ita senserunt, sed quia mibi vel per illos auctores canonicos, vel probabili ratione, quod a vero non abborreat, persuadere potuerunt. Nec te, mi frater, sentire atius existimo: prorsus, inquam, non te arbitror sic legi tuos libros velle, tamquam Prophetarum vel Apostolorum, de quorum scriptis, quod omni errore careant, dubitare nefarium est. Absit hoc a pia humilitate et veraci de temelio cogitatione (1).

Et alibi: Neque enim quorundam libet disputationes quamvis catholicorum et laudatorum hominum velut scripturas canonicas habere debemus, ut nobis non liceat, satva bonorificentia, que illis debetur hominibus, aliquid in eorum scriptis improbare atque respire, si forte invenerimus, quod alii senserint, quam veritas habet, divino adjutorio vel ab aliis intellecta vel a nobis. Talis ego sum in scriptis aliorum: tales volo esse intellectores meorum (2).

Videri etiam potest S. Hieronimus (3), et inter Scholasticos Doctores Albertus M., Gulielmus Parisiensis, S. Bonaventura, Aegidius Romanus, Rogerius Baco, Abulensis, M. Victoria, Melchior Canus, Dominicus Bañez, Gabriel Vazquez, Gregorius de Valencia (4), aliique summi viri, qui et verbis et exemplo suo id, quod in hac altera propositionis parte contendimus luculentiter ostendunt; ut id solum sufficiat ad refellendas illorum calumnias, qui nihil aliud vident in veteribus Philosophis ac Theologis nisi servilem scriptorum gregem, qui cum in verba Magistri jurassent, illius sententias, posthabita veritatis inquisitione, clausis oculis ingentique clamore propugnarent.

(1) S. August., Epist. 82 (ad 10) ad Hieron., cap. 1, n. 3. Cfr. epist. 93 (al. 48) ad Vincentium, cap. 10, n. 35.

(2) Epist. 148 (al. 111) ad Fortunatum. Cfr. lib. 3 de Trinit., in Prolog.; de Music., lib. 5, cap. 5.

(3) Epist. ad Theophil., advers. Joann. Hierosolymitan.

(4) Hos omnes supra citatos vide in Introductione, num. 75.

129. Cæterum, licet rationi cedere auctoritatem apud sapientes æquum est, minime tamen auctoritas etiam a sapientibus contemni debet, sed semper in pretio et honore haberi; presertim si sermo sit de doctrina aliqua, quam non unus aut alter, sed plures magni nominis Doctores sustineant, multoque magis si diversarum sint illi Scholarum, et si rationes, quibus quis maxime in contrarium permovet, non penitus illis latuerint, sed expensæ fuerint ac serio consideratae. Quod si communis fuerit aliqua sententia apud autores etiam diversarum Scholarum, id solum, etiam præcisa omni positiva et intrinseca ratione, sufficere videtur ad fundandum assensum probabilem. Neque enim facile fieri potest, ut omnes viri docti variarum ætatum, ingeniorum, studiorum et nationum, aut hallucinentur, aut passione abripiantur. Non ergo facile recedendum est a communibus Scholarum sententiis, nisi forte gravissima aliqua et evidens ratio in contrarium suppetat, vel nisi novo aliquo invento falsitas illarum demonstretur. Id quod eo ægrius tardiusque facere convenit, quo melius tristissima experientia recentiorum temporum novimus, quam sit humana mens errorum deceptionumque ludibriis sub evidentie specie obnoxia. Vidimus enimvero novitatum libidine, partim effreni cogitandi licentia, partim auctoritatis antiquitatisque neglectu, partim Logicas ac Metaphysice oblivione ac proinde turpissima ignorantia elenchi, absurdâ passim in libris et scriptis dominata esse dogmata, et gravissimas quasdam doctrinas a scholis catholicis exulasse, que numquam exulare debuissent, queque ab aliquot jam annis non sine ingenti labore et alacritate, hortantibus Romanis Pontificibus, plaudentibus bonis, cum maximo divinarum atque humanarum litterarum commodo et honore pristinæ dignitati restituí cœperunt.

130. COROLLARIUM. Disces hinc, quid sentiendum sit de illorum opinione, qui negant esse posse probabilitatem extrinsecam sine intrinsecâ, tanti enim valere auctoritatem, quanti valent rationes, quibus fulcitur testimonium: qua de re non nihil superius innuimus (1). Extrinsecâ probabilitas in

Auctoritas
tamen semper
in pretio habet
da etiam viis
doctis.

Quid
sentientiam
de
valore probabilitati
estrinsecâ.

(1) Num. 40.

hoc sensu dici potest semper supponere intrinsecam, quatenus nemo habet apud alium auctoritatem, ut dictis suis ille probabilem praebeat assensum, nisi prudenter *existinetur* vir doctus ac peritus illius doctrinæ, de qua fert testimonium. Dicere autem, ut quis alterius testimonium prudenter sequatur, comportas habere debere rationes intrinsecas, quibus rei testata veritas convincitur, tantumdem est, ac usum omnem auctoritatis interdicere, contra sensum communem omnium et evidenter necessitatem generis humani. Itaque solum pro doctis admitti potest tanti valere auctoritatem, quanti valeant rationes; pro rudibus autem tanta est auctoritas, quanta quomodo libet *existimari*, ac supponi prudenter potest vis illa rationum. Et sic in qualibet disciplina sunt quidam auctores *classici*, qui non aliter certe præclarum nati sunt apud omnes nomen sapientiae, nisi qui gravi rationum pondere magna copia doctrinae libros suos conscripsere; quorum proinde sola auctoritas, saltem pro rudibus, debet normam suppeditare probabilem, quam prudenter in sentiendo et in agendo sequuntur.

131. PROPOSITIO 2.^a Testimonium historicum licet plerumque solam præbeat probabilitatem: quædam tamen contingent rerum adjuncta, in quibus testium auctoritas plena est omnique major evadit exceptione, ac proinde veri nominis suppeditat certitudinem moralem.

Testimonium
historicum
sepe solum pra-
bet probabi-
litatem:

Prima pars. *Quod testimonium in re facti fidem probabilem facere sapienti numero possit*, constat ex precedenti propositione, quia nimur sunt casus in quibus tum veracitas testium tum notitia factorum, quæ referunt, prudenter ac rationaliter supponuntur, quemadmodum docet experientia.

Quod vero plerumque non gignat nisi opinativum assensum, ratio est, quia plerumque non est tanta testium auctoritas, ut omnem excludere valeat formidinem falsitatis propter defectum sive notitiae, sive veracis narrationis.

Probatur ergo altera pars propositionis. Quædam contingent adjuncta, in quibus indubie innescit tum veracitas testium tum etiam scientia et notitia, quam habent illi de rebus narratis. Atqui testium indubia scientia et veracitas

quandoque
tamen gignit
certitudinem;
si certo constet

plenam efficiunt auctoritatem, motivumque porrigit mente certissimi assensus. Ergo...

Minor non eget probatione.

Major declaratur. *Quod notitiam facti*. Nam ad recte veraciterque apprehendendum factum aliquod, satis est primo, ut illud sit in se sensibile et illustre, tale nempe, quod et clare percipi possit, et attentionem in se convertere intuentum: et secundo, ut sensus testium sint sani, bene dispositi, rite applicati. Supposita enim veracitate facultatum cognoscitivarum, ubi hujusmodi concurrunt adjuncta, error impossibilis est dicendus. Jam vero, nonne fieri potest, ut plures testes organa sensuum sanissima habentes, insigne aliquod factum contemplentur, puta populatissimam urbem, præstantissimam victoriam, clamorosum prælium, aut aliam rem ex genere illarum, qua vel oscitantum, immo et dormientium, soleant excitare curiositatem? Si ergo factum, quod testes narrant, sit hujusmodi, timeri prudenter nequit, ne forte decepti fuerint aut hallucinati; et solum superesse adhuc poterit dubium de veracitate.

Quod veracitatem. At veracitas etiam innescere potest. Nam si testes fuerint plures, ætate, natione, studiis, ingenio, educatione, moribus aut etiam religione diversi, et nihilominus in narratione, saltem quoad substantiam, concordent, nemo sanus mendacium suspicabitur. Multoque magis, si rem testentur propriis præjudiciis contraria, audientibus ingratis molestamque; vel si ex mendacio nullum possint sperare lucrum sive pecunia, sive laudis, sive alterius emolumenti, sed potius e converso timere debeat infamiam, honorum jacturam, vincula, corporis afflictiones, mortem.

Addit etiam, quod testes hujusmodi factum renuntient publicum, cuius falsitatem, quamvis ab aliis æqualibus aut posteris facile deprehendi posset, nemo tamen, nisi forte mendacibus aut prorsus inanibus argumentis, probandam suscepit.

In his aliquis similibus adjunctis evidens est moraliter consensum testium manifesta pro se ferre signa veracitatis. Undenam enim timeri mendacium potest? Non ex conspiratione, quæ in hominibus diversarum ætatum et locorum

et veracitas
testium.

adesse non potest: non ex communi aliquo emolumento, nullum quippe cernitur bonum, quod homines adeo condicione diversos tangat atque alliciat: non abusus abnormis libertatis in violandis legibus moralibus, quatenus nimurum testes, nullo sibi proposito bono, immo etiam cum periculo tot malorum, mentiantur; siquidem hujusmodi abusus, si in uno solo homine difficultissimus ac moraliter impossibilis est, multo magis in multis, iisque honestis. Concludendum est igitur dari quandoque adjuncta, in quibus nulla potest prudens de testimoniis veracitate sollicitare animum formido.

Illud etiam pro confirmatione addiderim, ad divinam Providentiam spectare, ne mendacia in hujusmodi adjunctis configi permittat, ob gravissima nimurum mala, qua ex talibus fraudibus in religionem humanamque societatem facile redundarent.

Num unus
dunxerat testim
certam
valent incaere
fidem

132. Quæres autem forte, quid dicendum sit de uno tantum teste, nump os sit et ipse quandoque certam facere fidem?

Videtur non esse impossible, ut unus etiam testis quandoque certitudinem gignat. Pone enim illum spectatissima præditum esse sanctimonia, remque testari publicam, cognitu facilissimam, et coram iis illam narrare, qui potuissent ac debuissent mendacium, si quod fuisse, patescere, et nihil minus silent. Nemo in tali casu, opinor, vel unius viri testimonium recusaverit, quin firmissimo assensu amplectatur.

Cæterum hæc humano testimonio parta certitudo moralis est, non physica neque metaphysica, tum quia moralem habet necessitatem, tum etiam quia innititur in constantia legum moralium (1).

SOLVUNTUR DIFFICULTATES.

133. Objic. 1.^o Nunquam potest testimonium, etiam si plures testes omnino inter se consentiant, suppeditare certitudinem. Etenim singuli certe fallibilis sunt. Ergo et omnes; nam in collectione nihil aliud est, nisi testimonia singulorum.

(1) Vide Tong., *Instit. Philos. Logic.*: pars 2.^a lib. 2, cap. 7, art. 8, n. 629.

Resp. neg. assert.

Ad probat. *trans. antec.*, *dist. conseq.* Omnes etiam sunt fallibilis, ea tamen fallibilitate, de qua constet satis, deductam ad actum non esse, *conc.*, de qua id non constet, *neg.*

Probationem consequentis pariter distinguo. In collectione nihil est aliud nisi testimonium singulorum, ita tamen ut hujus auctoritas plena, qua patre alter non solet, in collectione innotescat, *conc.*, secus, *neg.*

Objic. 2.^o Nequit certitudo ex summa probabilitatum resultare. Atqui resularet, si vera esset propositio nostra. Nam testes in collectione certam facere dicuntur fidem, cum tamen singulorum testimonium, saltem generatim, ultra probabilitatem non assurgat.

Resp. conc. Maj., *neg. Minor.*

Et ratione additam *distinguo*; testimonium singulorum, si seorsum ab aliis spectetur, generatim solam habet probabilitatem, *conc.*, ubi aliorum etiam accedit testimonium, *neg.* Nam singula testimonia in tali eventu, desinunt esse mere probabilitas, motu quoque constituant indubitable.

Objic. 3.^o Quod singulis convenit essentialiter, convenit etiam collectioni. Atqui singulis convenit essentialiter fallibilitas. Ergo et collectioni, ac proinde nec plurium testimonium ullis in adjunctis potest certitudinem prebere.

Resp. dist. Major. Si collectio nihil conferat ad variandum prædictum, quod singulis competit, *conc.*; si quid conferat ad hujusmodi variationem inducendum, *neg.*

Minorem etiam *dist.* Singulis convenit essentialiter fallibilitas in omnibus, *neg.*, in multis *subdist.*, ita ut in omnibus, in quibus est fallibilis, de facto etiam semper fallatur, *neg.*, ita ut saep non fallatur actu in iis ipsis, in quibus falli absolute posset, *conc.*

Et neg. conseq.

Instabis 1.^o. Atqui collectio nihil conferat ad prædictam variationem. Nam in collectione minime mutatur natura testimonii singulorum testimoni. Ergo si singulatum fallibile est illud, fallibile quoque dicendum est in collectione.

Resp. dist. ant., non mutatur in collectione natura testimonii singulorum in se, *conc.*, quoad sui manifestacionem, *neg.*, et *neg. conseq.*

Et enim singula testimonia seorsim accepta nihil quidem in seipsis magis habent, sive accedant sive non accedant alii, rem eamdem testantes; sed tamen cum id ipsum alii testantur, manifestum redditur id, quod etiam prius habebant, sed occultum erat, nempe veritas narrationis. Quemadmodum lumen cum objectum visibile illuminat, non illud quidem in seipso immutat, verum facit apparet ac visibile reddit. Si nos intueri possemus animum loquentis, valorem testimonii ejus immediate cognosceremus; quia vero intuitione alienarum cognitionum caremus, confugiendum nobis est ad certa quedam externa indicia, quae potissimum reluent in collectione plurium testium, ut exinde, id quod latet occultum, manifestetur audientibus.

Instabis. 2.^o Si testium plurium collectio nihil immutat in seipsa naturam testimonii, impossibile est, ut certitudinem pariat unquam.

Nam; a) singuli possunt falli et fallere seu mentiri. Ergo similiter omnes. b) Singuli profecto liberi fuerunt ad mentendum. Atqui ubi adest libertas ad mentendum, constare nequit, num reapse mendacium adsit. Ergo...

Resp. neg. assert.

Ad probationem a) dist. ant.: et in quibusdam adjunctis constat singulos nec decipi nec mentiri de facto, conc., non constat, neg.; et dist. pariter consequens.

Ad b) eadem esto responsio, distinguendo Major.; liberi quidem fuerunt ad mendacium, sed quandoque constat satis, eos libertate sua mentiendo non usos esse, conc., alter, neg.

Contradicitione Minor., in quibusdam adjunctis, conc., in aliis, et nominatis in iis, que modo exposuimus, neg.

Et neg. consequ.

Dic mihi, tunc mentiris quotiescumque aut potes mentiri, aut libertatem habes physicam mentiendi? Falleris in omnibus, in quibus fallibilis es? Minime sane, a potentia namque ad actum non valet consequentia. Itaque si certum est, testes sumpenumero vera renuntiare; tota difficultas stat in cognoscendo, quandam vera renuntiant. Idque si certo notum esse potest, certum assensus motivum prebeat eorum testimonium, necesse est; quidquid sit de physica potentia et libertate, quam habuerint illusionem ac mendaci. Atqui

ostendimus, satisque explanavimus adjuncta, in quibus nec fraus nec deceptio timeri rationabiliter potest. Vide num dubitare queas de existentia Berolini, vel Pekini, vel imperii Romani, vel Napoleonis, licet haec ex aliorum dumtaxat relatione acceperis. Profecto si id faceres, mente captus ab omnibus habereris.

Objic. 4.^o Certitudo digni nequit nisi ex motivo aliquo necessario. Atqui nullam habet necessitatem testimonium eorum, qui capaces fuerunt erroris ac mendacii. Ergo.

Resp. dist. Major., ex motivo necessario sive absolute, sive hypothetice, sive metaphysice, sive physice, sive moraliter, conc., ex motivo necessario solummodo absolute, vel metaphysice aut physice, neg.

Et contradistincta Minor., neg. conseq.

Objic. 5.^o Saltem testimonium nullam retinet vim auctoritatemque, cum agitur de miraculis.

Nam: a) quemadmodum argumentatur Humius, infirmior probatio cedere validiori debet. Jam contra miraculum stat constantia legum physicarum et communis experientia, que plus habent ponderis, quam quævis auctoritas humana. b) Itemque, ut scribit Diderot, errare homines aut mentiri miraculum non est. Ergo id potius credendum est, quam miraculum, quod narrant.

Resp. neg. assert. Nam si possilia sunt miracula, ut certe sunt, cognosci possunt, cum fiunt, et veraciter narrari ab iis, qui ea moverunt. Si ergo ex adjunctis nulla sit ratio dubitandi de testimonie scientia et veritate, quidni fides sit adhibenda, etiamsi narrant miracula?

Ad a) trans. Major., dist. prim. part. Minoris. Contra miraculum est constantia legum physicarum, quæ tamen subire interdum per Dei omnipotentiam valeat exceptionem, conc., constantia ineluctabilis, neg.

Distinguo etiam alterum membrum. Contra miraculum est communis experientia etiam facti ipsius miraculosi, quod testes narrant, neg., aliorum factorum, transeat.

Denique dist. tertium membrum. Constantia legum physicarum firmius habet pondus, si quando aliunde constet in eo ipso casu, pro quo militat auctoritas testimonii, nullam fuisse in lege physica exceptionem, conc. Si id non constet, neg.

Ad b) conc. ant. et neg. conseq.

Si enim miracula possibilia sunt, quemadmodum Fides docet et alibi philosophice demonstrabitur, ubicumque adest testimonium verax ac moraliter infallibile, miraculum aliud referens, hujus existentia rationabiliter detectari nequit.

ARTICULUS III.

De valore Traditionis, Historiae, cæterorumque documentorum.

Quamquam ex hactenus disputatis judicari generatim possit de humani testimonii pondere atque auctoritate, pauca quædam summatio adjicienda sunt de valore mediorum illorum, per quæ testimonium ad posteros transmittitur. Atque in primis

§ I.—DE TRADITIONE.

Quid Traditio. 134. Traditionem dicimus narrationem, quæ per continuum testimoniū successionem memoriam facti posteris ore transmittit.

PROPOSITIO 1.^a Traditio, si certis conditionibus et characteribus ornetur, certam gignere fidem potest.

Ante probationem indicandæ sunt conditions illæ et characteres. Sit itaque traditio

1.^a Continua seu perpetua, nempe talis, ut ab ipsis immediatis et facto cœvitis testibus descendat usque ad præsens tempus absque interruptione.

2.^a Sit ampla, ut plures contineat testes in singulis partibus successionis atque evolutionis sue.

3.^a Sit illustris, quatenus nempe factum referat publicum et illustre, quod proinde debuerit plurium attentionem excitare, atque a pluribus rite cognosci.

4.^a Sit uniformis, saltem quoad substantiam, tum in testibus ejusdem generationis tum in successiva generationum serie.

5.^a Augescit vis traditionis: a) si integra natio, primoribus ac sapientibus non exceptis, facti memoriam sancte custodiad: b) si apud varias nationes eadem, saltem quoad substantiam, traditio vigeat: γ) si solemnibus cæremoniis,

Conditions
requisite
ad ejus valorem:
sit continua,

amplia,

illustris,

uniformis.

Alia que
augent ejus
valorem.

ritibus, ludis publicis festisque diebus celebretur: δ) si in ipsis urbium, fluminum, montium nominibus, sui quasi vestigia impressa reliquit: ε) denique si concordet oralis traditio cum scriptis monumentisque præteritarum etatum (1). Jam

Probatur, traditionem his characteribus insignitam motum præbere certissimi assensu.

Etenim certum est ex dictis in articulo præcedenti, testes immediatos unde traditio exorditur, potuisse firmam certamque fidem facere apud aquales et cœvos illius generationis, si nempe ampla sit, illustris et uniformis traditio. Atqui certum quoque est ac prorsus indubitate ipsissimum illud primitivum testimonium ad posteros per plura sœcula integrum atque immutatum transmitti posse, videlicet si traditio sit perpetua et in sua perpetuitate uniformis. Ergo...

Et re quidem vera, prima generatio, quæ veracem habuit certissimamque facti notitiam, non potuit decipere secundam generationem, facti memoriam illi communicando: «fuit enim impossibilis omnium conspiratio in mendacium, eaque ita constans et uniformis, ut mendacium a nullo audientium detegi posset, aut a nullo eorum, qui veritatem noverat, redargui». Simili modo non potuit altera generatio tertiam decipere. «Quia conspiratio ad decipiendum in iis adjunctis supponi nequit; primo quidem ratione multitudinis; deinde vero quia prima generatio obstitisset. Etenim generationes hominum non ita sibi succedunt, ut altera penitus sublata, altera in ejus locum subintret, sed altera alteri sensim interseritur, seseque ita excipiunt, ut homines primæ, secunda ac tertiae generationis aliquo tempore cœvi sint. Succrescentes igitur tertiae generationis juvenes non a patribus modo, sed et ab avis edocentur; adeoque decipi amplius a patribus non possunt. Quod si quis processu temporis aliquid a se confictum evulgaret tamquam a senibus acceptum, hic illico præter æquales suos, contradicentes haberet et senes primæ generationis, et eos omnes adolescentes, qui ab hominibus primæ generationis edocti sunt.»

Probatur vis
Traditionis

(1) Vide Liberatore, *Institution. Philos.*, t. 1, *Logic.*, Appendix de arte Crit., n. 192, pag. 239; Prati, 1881; Tongior., *Instit. Philos.*, t. 1, *Logic.*, n. 644.

Eodem pacto demonstrabis, nullam insequentium generationum aut deceptam esse aut decipere potuisse, saltem quoad facti substantiam, si eadem perseveraverint, quæ supra monuimus, adjuncta. «Quod si in aliqua traditione hæc adjuncta desint, certam illam fidem non faciet; ejusque major vel minor probabilitas ex generalibus principiis supra præstabilitate erit testimanda» (1).

Dices. Certitudo historica et traditionis, labente tempore, necesse est semper magis ac magis infirmetur, donec tandem penitus evanescat. Nam: a) Testes mediati sunt minus fide digni quam immediati, eoque sunt minus fide digni quo magis remoti. b) Facta dum per hominum ora transvolant, deformantur ac perpetuo mutantur. γ) Non pauca deinde, qua prius tamquam certa habebantur, inter aniles fabellas deinde amandata sunt.

Resp. dist. assert. Si certas haberit conditions, prout expositum est, neg., si illas non haberit, trans.

Ad α) dist.; si constet mediatos testes nec deceptos fuisse, nec mentiri, neg., si non constet., trans.

Ad β) pariter dist. Facta levius momenti, trans., facta illustriora, et quorum intersit memoriam custodire, subdistinguuntur: quoad substantiam et adjuncta essentialia, neg., quoad alia, trans.

Ad γ) etiam dist. Et ea facta constabant per traditionem ac testimonium præfatis conditionibus ornatum, neg., secus, trans. (2).

§ II.—DE HISTORIA ET RELIQUIS DOCUMENTIS.

Quid historia.

135. Historia est facti narratio scriptis commendata. In historia, et generatim in omnibus documentis scriptis, nosse oportet ante omnia, an sint: α) *authentica*; β) *integra*; γ) *non interpolata*.

Sit authenticæ
vel genuina;
non spuria;
vel supposita;

Authentica vel genuina sunt illa scripta, quæ ad eum auctorem pertinent, ad eamque ætatem, cui adscribuntur. Secus dici solent spuria vel supposita.

(1) Tong., loc. cit., n. 645, 646.

(2) Vide Tong., loc. cit., n. 662.

Integra vel incorrupta sunt ea, quæ nec mutilata fuerint, nec depravata, nec ullis mendis corrupta.

Non interpolata demum sunt illa documenta, quibus nihil additum vel insertum sit, quod auctor non scripserit. Secus dicuntur interpolata.

Porro ad discernenda scripta authentica ab spuriis, et integra a mutilis, interpolatis et corruptis, varia suppetunt indicia, interna et externa.

Indicia interna. 1.^o Si documentum contineat aliquid quod temporis, quo ipsum auctor scripsisse perhibetur, non conveniat, suppositum existimari debet, aut certe interpolatum.

2.^o «Sistulas sit diversus a noto scriptoris, cui tribuitur, aut seculi, in quo ille vixit, suspicio merito oboritur de libri authentia: *suspicio*, inquam, non *judicium certum*. Ac suspicio quoque cessabilis, si ratione materiæ, aut finis, aut aliorum adjunctorum legitima mutationis causa afferri possit.»

3.^o «Liber, in quo memorantur personæ, nomina, facta, mores, artes, controversiæ, que auctore, cui tribuitur, certo posteriores sint, aut spurius est, aut interpolatus. Idem dicendum de libro, in quo recentioris scriptoris non dubia imitatio deprehendatur.»

4.^o «Liber imperit refertus ac fabellis scatens, viro gravi, prudenti, eruditio, aut ex toto, aut saltem ex parte, abjudicandus est, etsi ejus nomen in codicibus preferat. Ita liber impius viro, quem pium semper fuisse conset.»

5.^o «Liber, qui sententias alicujus momenti continet, iis certo oppositas, quas scriptorem, cuius nomen præfert, docuisse constat, valde suspectus esse debet; nisi aliunde sciatur, aut saltem supponi possit, auctorem data opera sententiam mutasse, aut nisi talis sit auctor, quem in contradictionem inconsulto incidisse, non mirum videatur» (1).

Indicia externa. 1.^o Si codex aliquis proabetur esse *autographus* (ab ipso auctore conscriptus), questio omnis de authenticæ erit direpta; si vero codices sint *apographi* (exemplaria ab autographo transcripta), adhuc ex his comparatis multa

(1) Tongiorg., loc. cit., n. 649. Cfr. Liberatore Op. cit. t. I, Appendix de arte crit., n. 195, pag. 241.

indicia externa.

criticus deducere poterit: a) Si in omnibus exemplaribus, etiam auctori vicinissimis, uni eidemque auctori opus tribuitur, huic tribuendum est: habet enim pro se antiquitatis testimonium; b) Si in vetustis codicibus nomen unius auctoris opus præfert, in recentioribus alterius, vetustis fides adhibenda, nisi quid obstet; c) Si in recentioribus codicibus aliquid reperitur, quod in antiquioribus deest, interpolati documenti indicium est; si contrarium deprehenditur, mutatili.

2.^a «Si scriptores auctoris, cuius nomen liber præfert, cœvi vel suppare, aut etiam traditio constans eidem auctori librum adjudicent, non erit de auctore dubitandum. Traditionis autem testimonium eo magis habebit ponderis, si nationem universam vadem habeat, multoque magis, si liber aut annales aut leges, aut religiosa dogmata nationis contineat.»

3.^a «Et contrario liber, qui antiqui auctoris nomine inscribitur, si alicuius momenti sit, ac nulla ejus mentio apud veteres occurrat, suspectus habendus est, nisi potiora argumenta probent esse genuinum.»

4.^a «Documenta, quæ ab antiquioribus rejecta sunt, ut spuria, aut in dubium revocata, vix fieri potest, ut propter recentiorum auctoritatem admitti debeant, nisi rationes hífferant omnino gravissimas.»

5.^a «Si ex aliquo libro loca quædam a veteribus citata sint, eaque modo in libro ejusdem auctoris et tituli reperiantur, hoc argumento esse poterit ad librum existimandum genuinum et integrum; si non reperiantur, aut liber est suppositus pro veteri derelicto, aut mutulus est; si immutata legantur, liber est corruptus.»

6.^a «Si alicuius libri multa jam exemplaria exscripta et variis in locis vulgata, lecta, in pretio habita fuisse constat, hic liber adulterari non potuit. Nam et impossibilis fuit omnium conspiratio, et si qua fraus fuisset deprehensa, omnes reclamassent.» (1)

Hec tamen præcepta parum proficient, nisi homines, qui antiquitatis studio navant operam, naturalem habeant judicium

(1) Tong., loc. cit. n. 650. Cfr. Liberatore, loc. cit. n. 195, pag. 242.

rectitudinem, animunque maturum, sagacem, diligentem, præjudicis alienum, temperatum, eximie studiosum veritatis.

136. PROPOSITIO 2.^a Historica documenta, supposita eorum authentia, integritate atque incorruptione, certam quandoque fidem obtinere possunt.

Et ratio est, quia in quibusdam adjunctis constare potest historiographos, aut generatim auctores documentorum veterum, facta, prout evenerunt, cognovisse, veraciterque narrasse, dummodo authenticæ sint et incorrupta hujusmodi scripta. Ergo, quoniam non desunt indicia sive interna sive externa incorruptionis et authenticæ certo agnoscendæ, historica documenta certitudinem gignere queunt.

Prob. antec. Si enim factum fuerit sensibile, publicum, illustre, nec absurdum, aliisve factis aut veritatibus omnino certis contrarium, scriptor autem sit cœvus, vel traditionis legitime organum: vel si ex publicis ac certis documentis aut monumentis facti memoriam deprompsit; nequit prudenter dubitari, quoniam vero veracem rei notitiam habuerit secundum ea, quæ generatim diximus in articulo præcedenti de testium scientia.

Sed veritas etiam historiographorum certa fieri potest. 1.^a «Si documenta historica sint plura et concordia, saltem quod facti substantiam, licet historicorum diversa natio, secta, studia fuerint,» ut in simili exposuimus de testium veracitate.

2.^a «Etiamsi unus sit historicus, certam faciet fidem: a) Si facta narret, quorum veracitatem corrumpi aut vitiare, aut quorum falsitatem ad posteros promanare, ii, inter quos scribatur, passuri non fuissent: si tamen constat et scriptum fuisse illis notum, et neminem contradixisse: b) Si scriptor publico nomine historiam suorum temporum exaraverit: c) Si scriptor etiam post vulgatam, quam scripsit, historiam, viri probi, integræ morumque sanctimonia præstantis opinione, apud cœvos et posteros floruerit: d) Si documenti veritatem legitima traditio testetur, ipsumque documentum fuerit sedulo semper asservatum, magnoque in pretio apud aliquam gentem habitum.»

Quid si unus
dumtaxat
historicus.